

**ARAUDI-ALDAKUNTZAREN**  
**ERROLDARAPENERAKO BETEBEHARRAK**

Elkarteen 7/2007 Legearen 29. Atalak honako hau dio:

**29. artikulua.– Estatutuen aldaketa.**

1.– Estatutuen aldaketa helburu horretarako berariaz antolatuko den batzar nagusi berezian erabakiko da.

2.– Aldaketa horrek Euskal Autonomia Erkidegoko Elkarteen Erregistro Orokorrean inskribatzen den unetik aurrera bakarrik izango ditu ondorioak fede oneko hirugarrenei dagokienez.

3.– Elkartekideentzat, onesten diren unetik bertatik izango dituzte ondorioak gainerako aldaketek, estatutuetan agertzen diren prozeduren arabera. Hala eta guztiz ere, erregistroari jakinarazi egin beharko zaizkio aldaketa horiek, publizitate-ondoretarako bakarrik.

Horretarako, Ezohiko Biltzar Nagusia deituko da. Bertan, aldaketa onartuko da, estatutuek ezarritako quoruma izanez gero.

Batzarrak aldaketa onartuz geroztik eta erroldarapenari begira, Eusko Jaurlaritzako Elkarte-Erroldan honako agiriteri hau aurkeztu beharko da:

**ESKABIDEA:** Elkarte-Erroldan sartu izan dadineko eskaera, Elkarteak baimendutako pertsonak sinatua.

**ARAUDIA:** Aldaturiko Araudiaren bi ale, biok Presidenteak eta Idazkariak sinatuak, orri guztietan.

**ZIURTAGIRIA:** Bi ale, biok Presidenteak eta Idazkariak sinatuak. Bilkuraren eguna eta ordua, Elkartearen izen osoa, Errolda-zenbakia, behareko quoruma eta aldaturiko atalen aipamen eta laburpena jaso beharko dira.

Laguntza gisa, eskabide, ziurtagiria eta estatutu ereduak eranstean dira.

**ELKARTEEN ERROLDA**  
**BULEGOAK**

ARABA

Justizia, Lan eta Gizarte Segurantzza Saila. Eusko Jaurlaritza  
Donostia-San Sebastian kalea, 1  
01010-VITORIA-GASTEIZ  
Telf.: 945-019087  
e-mail [just-jurid-alava@ej-gv.es](mailto:just-jurid-alava@ej-gv.es)

GIPUZKOA

Justizia, Lan eta Gizarte Segurantzza Saila. Eusko Jaurlaritza  
Vitoria-Gasteiz kalea, 3-3.  
20018- DONOSTIA-SAN SEBASTIAN  
Telf.: 943-022951- 943-022952  
e-mail [just-jurid-gipuzkoa@ej-gv.es](mailto:just-jurid-gipuzkoa@ej-gv.es)

BIZKAIA

Justizia, Lan eta Gizarte Segurantzza Saila. Eusko Jaurlaritza  
Gran Via, 85 beheko solairua  
48011- BILBO  
Telf.: 94-4031371- 94-4031372  
e-mail [just-jurid-bizkaia@ej-gv.es](mailto:just-jurid-bizkaia@ej-gv.es)

## **ESTATUTU-EREDUA ERABILTZEKO JARRAIBIDEAK**

- 1.** Euskadiko Elkarteei buruzko ekainaren 22ko 7/2007 Legea (uztailaren 12ko, EHAA, nº 134) da elkarteen estatutuak erregulatzeko araua. Hortaz, **LEGEA IRAKURTZEA KOMENI DA.**
- 2.** Proposatutako estatutu-eredu honen helburua estatutuak egiteko **nondik norakoak** erakustea da. Hortaz, **inolaz ere ez da pentsatu behar elkarteak bere burua antolatzeko duen ahalmenari mugak ipiniko dizkionik.** Muga bakarra indarrean dauden legeekin bat etortzea da.
- 3.** Beste horrenbeste argibide-oharrei buruz ere.
- 4.** Ereduek letra-tipografia berbera erabiliz bete behar dira (guztia ordenagailuz adibidez).
- 5.** Estatutuak TXUKUN idatzita egongo dira: funtzio gramatikalik gabeko eten-punturik eta beranduago bete daitekeen zuriunerik gabe, boligrafoz betetako tarterik gabe, zirrimarrarik eta tipex-ik gabe, etab.
- 6. EREDUA ARRETAZ BETE BEHAR DA.** Akatsak antzemanaz gero, estatutuak zuzendu eta berriz aurkeztu beharko dira (esate baterako, lehendakariorde kargurik ez balego, kargu horri buruzko erreferentzia guztiak kendu beharko lirateke estatutuetatik)
- 7. Estatutuak EREDUARI JARRAITU GABE idaztekotan, erantsitako zatiak edo artikulua 7/2007 Legean aurreikusitakoarekin bat datozela ziurtatu.** Ereduekin eta Legearekin erkatzea komeni da.
- 8. 7/2007 Legeko 39.4 artikulua ezartzen du inskribatu beharreko egintzen gaineko erabakiak hartzen direnetik HILABETEKO EPEA dagoela erregistro orokorrari jakinarazteko.**

Nik, Kontxi Garai Susperregi andreak, adin nagusikoak, 14896553-M NAN zenbakidunak, helbidea Mungia udalerrian (P.k. 48100), Goizalde etxe-taldea, kalean, 3. zenbakian, 3.A solairuan dudanak (tel. 605758082), SAREAN Elkartearen (Erregistro zenbakia: AS/G/07434/1998). posta@sarean.net helbide elektronikoa eta 605758082 Telefonoa duenak, ordezkari naizenez, zera

**ADIERAZTEN DUT:**

Euskadiko Elkarteei buruzko ekainaren 22ko 7/2007 Legeak, Elkartzeko Eskubidea arautzen duen martxoaren 22ko 1/2002 Lege Organikoak eta Entitatearen Estatutuek ezarritakoaren arabera, Estatutu horiek aldatu direla, eta horri buruzko ondoko agiriak arkezten ditudala:

- Aldaketarako erabakia hartu zuen Bazkideen Ezohiko Batzar Nagusiaren egiaztagiriaren bi ale.
- Estatutuen bi ale.

Hori dela eta, honako hau

**ESKATZEN DUT:**

Apatutako arauan aurreikusten den Elkarteen Erregistroan aldaketa inskribatzea.

Donostian, 2009ko uztailaren 3an

Izenpetua:

**ELKARTEEN ERREGISTROAREN GIPUZKOAKO BULEGOA  
JUSTIZIA, LAN ETA GIZARTE SEGURANTZA SAILA.  
EUSKO JAURLARITZA  
Vitoria-Gasteiz Kalea 3-3.  
20018-DONOSTIA-SAN SEBASTIAN**

Nik, Kontxi Garai Susperregi andreak, Donostia udalerrian dagoen SAREAN "Euskal Eskola Publikoak Sarean" elkarteko (Erregistro zenb.: AS/G/07434/1998 idazkariak, zera

#### ZIURTATZEN DUT:

2009. urteko ekainaren 9 egunean, 12:30 orduetan, estatutuen arabera deituta, Bazkideen Ezohiko Batzar Nagusia bildu zela estatutuak aldatzeko, eta aldaketa hori onartu zela derrigorrezko quorumarekin. Aldaketa horretan ondokoak jazo ziren:

#### ALDATUTAKO ARTIKULUAK:

Estatutu zaharrak	Estatuto berriak
2. Ataleko 2. puntua b) b) Haur eta Lehen Hezkuntzako ikastetxeei zuzendutako informazio orria ( <i>Publinet</i> ) argitaratzea eta banatzea	2. Artikuluko 2. puntua b) b) Haur eta Lehen Hezkuntzako ikastetxeei zuzendutako WEB orria <a href="http://www.sarean.net">www.sarean.net</a> osatzea eta mantentzea.
3. <i>Atala</i> .- Elkarte honen egoitza nagusia Zuzendaritza Batzordeko Lehendakariaren I.P.-n (edo Ikastolan) egongo da, "San José de Calasanz" I.P.-an hain zuzen. (Txapin-ene 23, 20017 Donostia-Sn. Sn.) . Elkarteak, horretaz gain, beste tegirik eduki dezake, bai Autonomi Elkartean eta bai kanpoan ere, Batzar Orokor Bereziak horrela erabakiz gero. Elkarte-egoitza edo Elkartearen beste tegiren bat tokiz aldatzeko erabakia Zuzendaritza-Batzordeak hartuko du, eta horrek Elkarte-Erroldari helbide berriaren berri emango dio.	3. artikulua.- Elkarte honen egoitza helbide honetan egongo da: Kalea: Maule, 4 1 B Donostia P.K. 20018 Elkarteak beste lokal batzuk ere eduki ditzake Autonomia Erkidegoan, Batzar Orokorak hala erabakitzen badu.
6. <i>Atala</i> .- Elkartearen Zuzendaritza eta administrazioaren arduradunak elkarrengo honako ihardute-sailak izango dira:  - Bazkideen Batzar Orokorra, ihardute-sail gorena, <i>Topaketak</i> antolatzen direnero bilduko dena. - Zuzendaritza-Batzordea, Elkartearen koordinazio taldea izango dena, eta <i>Zortziko Handia</i> izena hartuko du.	6. Artikulua Elkartearen agintea eta administrazioa kide anitzeko organo hauen esku egongo da:  Bazkideen Batzar Orokorra izango da organo gorena. Zuzendaritza Batzordea (Zortziko Handia) izango da kide anitzeko zuzendaritza-organo iraunkorra.
8. <i>Atala</i> .- Batzar Orokorren Ohiko bilera egiteko deia gutxienez urtean behin egin beharko da, urtearen azken <i>Topaketak</i> barruan, eta honako puntu hauek onartzeko: Elkartearen iharduketar-egitamu orokorra, aurreko urtean izandako gastu eta diru-sarrerei dagozkien kontuen egoera-orria, hurrengo urteko aurrekontua, eta Zuzendaritza-Batzordearen kudeaketa. <i>Zortziko Handiak</i> Batzar Orokorren aztertarauekin bat eta haren kontrolpean jardun beharko du beti.	9. artikulua.- Batzar Orokorak gutxienez urtean behin egin beharko du ohiko bilkura bigarren hiru hilabetez izango da, 7. artikuluko a), b) eta c) idatz-zatietan zehaztutako erabakiak hartze aldera.
11. <i>Atala</i> .- Zuzendaritza-Batzordea edo <i>Zortziko Handia</i> hurrengo kargu hauek osotuko dute: Lehendakaria, Idazkaria, Diruzaina eta Batzar Orokorak erabaki dezakeen hainbeste Batzordekide. PAT eskualde bakoitzeko bat, bi gehienez. Zuzendaritza-Batzordearen betebeharrak hauek dira: a) Elkartearen ohizko kudeaketaz arduratzea, Batzar Orokorren aztertarauekin arabera eta bere esanetara. b) Elkarteak aurrera eramango dituen ekintzen egitaraua egitea. c) Gastu eta sarreren urteko aurrekontua eta aurreko urteko kontuen egoera-orria Batzar-	14. artikulua.- Zuzendaritza Batzordea da Batzar Orokorren xedapen eta zuzentarauei jarraikiz elkartearen interesak kudeatu eta ordezkatzeko dituen organoa. Elkartekideek baino ezingo dute osatu ordezkari-organoa.  Zuzendaritza Batzordea osatuko dutenak honakoak izango dira: Lehendakaria, Idazkaria, Diruzaina eta gutxienez bi mahaikide eta gehienez hamar.  Gutxienez urtean lau aldiz bildu beharko dute, bai eta, elkartearen jarduerak bideratzeko beharrezkoa den guztietan.

<p>Orokorriari, onar dezan, aurkeztea.</p> <p>d) Batzar Orokorren bileretako aztergai-zerrenda egitea, eta ohizko Batzar Orokorren eta berezien deialdiak erabakitzea.</p> <p>e) Bazkideek egiten dituzten proposamen eta iradokizunei erantzutea eta horretarako behar diren neurriak hartzea.</p> <p>f) Batzar Orokorrek berariz izendatuta ez duen beste edozein eginkizun.</p> <p>Gutxienez, urtean lau aldiz bildu beharko du, eta elkartearen ekintzak bideratzeko beharrezkoa den hainbestetan.</p>	
<p>12. Atala.- Zortziko Handia zuzendaritza-batzordeko kargudunak eskualdeka hautatuak izango dira eta Batzar Orokorrek izendatuko ditu eta urtebeterako izango dira, Batzordeak berariaz ezeztatu ezean, eta behin eta berriro hautatu ahal izango dira. Aldaketa bakoitzean % 50ak jarraitu beharko du.</p>	<p>16. artikulua.- Batzar Orokorrek hautatuko ditu Zuzendaritza Batzordeko kargudunak. Kargu horiek lau urterako izendatuko dira, Batzordeak berariaz balio gabetu ezean. Kargudun berbera behin eta berriro hautatu ahal izango da.</p>
<p>20. Atala.- Elkartekide izan nahi eta honako baldintza hauek betetzen dituzten pertsona fisiko eta juridikoek izan daitezke Elkarteko bazkide:</p> <p>a) Haur eta Lehen Hezkuntzako ikastetxe publikotako zuzendaritza taldetan lan egitea, edota beste ikastetxeekin barne zein kanpoko koordinazio lana egitea – bereziki SAREAN elkartearen zereginei dagokienez-. Horrelakoetan kide arruntaren izaera izanik.</p> <p>b) Hezkuntz Sistemaren laguntzarako zerbitzuetan lan egitea eta ikastetxeen arteko koordinazio lanak garatzea, horrelakoetan kide laguntzailearen izaera izanik.</p> <p>Aurreko bi kasuetan, ikastetxe bakoitzeko kide bat besterik ez da Elkartearen bazkide izango. Baldintza honen xede bakarra hau da, ikastetxe batzuek besteek baino ordezkariak handiago ez izatea.</p> <p>Izaera honetaz at, hala <i>Topaketaketan</i> nola Elkarte honek antola ditzakeen beste iharduera guztietan, ikastetxe edo ikastetxeen arteko kordinazio edo antolaketa lanetan ardurarik eduki lezakeen pertsona orok parte har dezake. inolako mugarik gabe parte hartzaileen kopuruari dagokionez.</p>	<p>26. artikulua.- Elkartekide izan nahi eta baldintza hauek betetzen dituzten pertsona fisiko eta juridiko guztiak izan daitezke elkarteko bazkide:</p> <p>- Adin nagusikoa, norberaren eskubideak erabiltzeko inolako lege-baldintzaren menpe ez egotea eta ebazpen judizial irmoaren bidez eskubideen erabilera mugatuta ez edukitzea.</p> <p>- Haur eta Lehen Hezkuntzako ikastetxe publikotako zuzendaritza taldetan lan egitea, Ikastetxeak izendatutako klaustrakidea edota beste ikastetxeekin barne zein kanpoko koordinazio lana egitea – bereziki SAREAN elkartearen zereginei dagokienez-. Horrelakoetan kide arruntaren izaera izanik.</p> <p>- Hezkuntz Sistemaren laguntzarako zerbitzuetan lan egitea eta ikastetxeen arteko koordinazio lanak garatzea, horrelakoetan kide laguntzailearen izaera izanik.</p> <p>- Pertsona juridikoen kasuan, organo eskudunaren berariazko erabakia behar da. Erabaki horretan adieraziko da elkarteko bazkide izateko borondatea eta zein izango diren pertsona juridikoaren ordezkariak.</p> <p>Aurreko bi kasuetan, ikastetxe bakoitzeko kide bat besterik ez da Elkartearen bazkide izango. Baldintza honen xede bakarra hau da, ikastetxe batzuek besteek baino ordezkariak handiago ez izatea.</p> <p>Izaera honetaz at, hala <i>Topaketaketan</i> nola Elkarte honek antola ditzakeen beste iharduera guztietan, ikastetxe edo ikastetxeen arteko kordinazio edo antolaketa lanetan ardurarik eduki lezakeen pertsona orok parte har dezake. inolako mugarik gabe parte hartzaileen kopuruari dagokionez.</p>
<p>25. Atala.- Hona bazkidetasuna galtzeko arrazoiak:</p> <p>1.- Heriotza.</p> <p>2.- Bazkidea nahita aldentzea.</p> <p>3.-Egotzi izana, Zuzendaritza Batzordeak erabakitako zigorra dela eta honako kasu honetan: Estatutuotan Zuzendaritza Batzordeak balioz hartutako erabakietan ezarritako betebeharrak nahita eta larriki haustea behin eta berriro.</p>	<p>30. artikulua.- Bazkide izateari uzteko arrazoiak honakoak izango dira:</p> <p>1. Hil egitea edo pertsona juridikoaren desagitea.</p> <p>2. Bazkidea bere borondatez joatea.</p> <p>3.Zuzendaritza Batzordeak elkartetik bidaltzeko zigorra ezartzea, arrazoi honengatik: Estatutuotatik eratorritako betebeharrak eta Batzar Orokorrek edo Zuzendaritza Batzordeak baliozki hartutako erabakietan ezarritako betebeharrak nahita eta</p>

	larriki behin eta berriz hausteagatik.
<p>36. <i>Atala</i>.- Elkarte deseginez gero, erabakia hartu duen Batzar Orokorrak Elkarte deseginez izendatuko du. Batzorde hori Zuzendaritzako hiru Batzordekideek osatuko dute eta dagoen diruaz arduratuko da.</p> <p>Bazkidekiko eta besterekiko Elkartearen zorrak ordaindu ondoren, geratzen den elkarte-ondarea, geratzen bada behintzat, Elkarteko kideak datozen ikastetxeei itzulia izango zaie, neurri berdinean, bakoitzak duen gastuetarako onartutako kontuetan sartuz.</p>	<p>42. artikulua.- gero, erabakia hartu duen ezohiko Batzar Orokorrak Kitapen Batzordea izendatuko du. Batzorde hori Zuzendaritza Batzordeko 3 kidek osatuko dute eta dagoen diruaz arduratuko da.</p> <p>Bazkideekiko eta besteekiko elkarte-betebeharrak bete ondoren, geratzen den elkarte-ondarea, geratzen bada behintzat, irabazi-asmorik gabeko elkarte bati edo irabazi-asmorik gabeko ekimenen bati eman beharko zaio.</p>

EZABATUTAKO ARTIKULUAK:

GEHITUTAKO ARTIKULUAK:

13. artikulua.- Bazkideek beste edozein bazkideren esku utzi dezakete batzar orokorretara joateko ordezkaritza. Ordezkaritza hori idatziz eskuordetu beharko da, eta Batzarreko idazkariari eman bilera baino gutxienez ordu bat lehenago. Elkartearen egoitza dagoen herritik kanpo bizi diren bazkideek ordezkaritza beste norbaiten esku uzteko agiria postaz bidali dezakete.

Eta hau ziurtatzen dut, Donostian, 2009ko ekainarenaren 9an.

IDAZKARIA

Oniritzia:

PRESIDENTEA

Nik, Kontxi Garai Susperregi andreak, Donostia udalerrian dagoen SAREAN elkarteko (Erregistro zenb.: AS/G/07434/1998 ) idazkariak, zera

**ZIURTATZEN DUT:**

2009 urteko ekainaren 9 egunean, 12:30 orduetan, estatutuen arabera deituta, Bazkideen Ezohiko Batzar Nagusia bildu zela estatutuak aldatzeko, eta aldaketa hori onartu zela derrigorrezko quorumarekin. Horren ondorioz artikuluen idazketa aldatu zen, baina ez zen inolako aldaketarik izan Entitatearen izaera juridikoan. Aldaketak honakoak izan ziren:

- Euskadiko Elkarteei buruzko ekainaren 22ko 7/2007 Legeari egokitzea.
- Elkartzeko Eskubidea arautzen duen martxoaren 22ko 1/2002 Lege Organikoari egokitzea.
- Euskadiko Elkarteei buruzko ekainaren 22ko 7/2007 Legeari eta Elkartzeko Eskubidea arautzen duen martxoaren 22ko 1/2002 Legeari egokitzea.

Eta hau ziurtatzen dut, Donostian, 2009ko ekainaren 9an.

IDAZKARIA

Oniritzia:

PRESIDENTEA



# **ESTATUTUAK**

## **LEHENENGO KAPITULUA**

“SAREAN - Euskal Eskola Publikoak Sarean” Elkarte

1. artikulua.- 1998ko ekainaren 16an inskribaturiko eta Erregistro zenbakia AS/G07434/1998 duen irabazteko asmorik gabeko “SAREAN - Euskal Eskola Publikoak Sarean” Elkarte, Elkarteen Estatuak ekainaren 22ko 7/2007 Legea eta martxoaren 22ko 1/2002 lege Organikoan, Elkarteei buruzkoa, ezartzen duenaren arabera izan dira aldatuak eta gaurkotuak 2009ko ekainaren 9an egindako ez ohizko Batzar Orokorrean.

Aipatutako elkarteak honako araubidea izango du: Elkarteen Legea, estatutu hauek berak (Legearen aurkakoak ez badira), bere Zuzendaritza Batzordeak behar bezala hartutako erabakiak (Legearen edota estatutuen aurkakoak ez badira) eta Eusko Jaurlaritzak xedatzen dituen arauak (azken hauek osagarri besterik ez dira izango).

## **ELKARTEAREN HELBURUAK**

2. artikulua.- Elkarte honen xedea EHAE-ko Haur eta Lehen Hezkuntzako ikastetxe publikoen hezkuntza zerbitzuaren hobekuntza bultzatzea da. Honenbestez, ondoko bi helburu nagusiak hartuko ditu kontuan:

1. Ikastetxeen arteko harremanak sortu, daudenak indartu eta hedatu, eta sistemak dituen baliabide estrukturaletan eta gure Elkarateak garatuko dituen besteetan oinarritu.
2. Ikastetxeen eta Administrazioaren artean, maila desberdineko komunikazio bideak garatu, elkarriketa eta negoziazio beste erakundeekin elkarlanean arituz.

Helburu horiek lortzeko, jarduera hauek egingo dira, ezarritako legezko betekizunak bete ondoren:

- a) Ikastetxe barruko eta ikastetxeen arteko zuzendaritza, antolakuntza eta koordinazio funtzioak betetzen dituzten pertsonekin topaguneak burutu, bai Lurralde Autonomo mailan (*Topaketak*), bai zonalde edo bailaretan.
- b) Haur eta Lehen Hezkuntzako ikastetxeei zuzendutako WEB orria [www.sarean.net](http://www.sarean.net) osatzea eta mantentzea.
- c) Ikastetxeen artean, Administrazioarekin, elkarriketa eta negoziatorako erakundeekin harreman iharduera anitzak burutu, gure Elkarte honen helburuen araberrako eremuan.
- d) Elkarte honen helburuak garatzeko balioko duen beste edozein iharduera.

Aurreko idatz-zatian azaldutako jarduerak gorabehera, elkarteak, bere xedeak betetzeko, honako hauek egin ahalko ditu:

- Helburuak betetzeko edo horretarako baliabideak biltzeko era guztietako jarduera ekonomikoak gauzatu.
- Era guztietako ondasunak edozein tituluren bidez eskuratu eta eduki, eta mota guztietako egintzak eta kontratuak egin.
- Nolanahiko ekintzak burutu, betiere legeekin eta Estatutuekin bat etortzekotan.

## **ELKARTEAREN EGOITZA**

3. artikulua.- Elkarte honen egoitza helbide honetan egongo da: Kalea: Maule, 4 1 B Donostia P.K. 20018  
Elkarateak beste lokal batzuk ere eduki ditzake Autonomia Erkidegoan, Batzar Orokorrek hala erabakitzen badu.

## LURRALDE-EREMUA

4. artikulua.- Elkarte honek nagusiki lurralde-eremu honetan gauzatuko ditu bere zereginak:  
**Euskal Herriko Autonomi Elkarte**an. Lurralde honetatik kanpo, Euskal Herriko eremu orokorrean finkatuko du arreta berezia, gure elkartearen helburu amankomunak edo hurbilak dituzten beste elkarteekin harremanak finkatzeko garaian.

## IRAUPENA ETA DEMOKRAZIA-ARAU

5. artikulua.- SAREAN Elkarte iraunkorra izateko eratu da, eta IV. kapituluaren esaten den bezala ezohiko batzar orokorrean hartutako erabaki bidez baino ezingo da desegin, edo legetan aurreikusitako arrazoiren batengatik.

Elkartearen funtzionamendua eta barne-antolamendua demokratikoa izango da, eta pluraltasuna erabat errespetatuko da. Erabat deusezak izango dira elkartzeko oinarritzko eskubidearen alderdietako edozein betetzen ez duten itunak, estatutu-xedapenak eta erabakiak.

## BIGARREN KAPITULUA

### AGINTE- ETA ADMINISTRAZIO-ORGANOAK

6. artikulua.- Elkartearen agintea eta administrazioa kide anitzeko organo hauen esku egongo da:
- Bazkideen Batzar Orokorra izango da organo gorena.
  - Zuzendaritza Batzordea (Zortziko Handia) izango da kide anitzeko zuzendaritza-organoa iraunkorra.

### BATZAR OROKORRA

7. artikulua.- Batzar Orokorra bazkide guztiek osatzen dute, eta organo honen bidez adierazten dira bazkideen nahiak.

Batzar Orokorraren ahalmenak:

- a) Elkartearen jardura-plan orokorra onartzea.
- b) Urteko kontuak eta hurrengo ekitaldiko aurrekontua aztertu eta onartzea.
- c) Zuzendaritza Batzordearen kudeaketa onartzea.
- d) Estatutuak aldatzea.
- e) Elkarte desegitea.
- f) Lehendakaria, idazkaria, diruzaina eta kide anitzeko aginte-organoko gainontzeko kideak, baldin badaude, izendatzea eta kargutik kentzea.
- g) Beste elkarte batzuekin batera federazioak eta konfederazioak osatzea, edota horietatik ateratzea.
- h) Ondasun higiezinak erabili edo besterentzeko erabakiak hartzea.
- i) Aginte-organoko kideei ordaindu egin behar zaiela erabakitzea.
- j) Kuota arruntak eta bereziak ezartzea. Ahalmen hau, hala ere, Batzar Orokorrak aginte-organuari eskuordetu diezaioke horretarako bereziki hartutako erabakiaren bidez.
- k) Bazkideak behin betiko kanporatzeko erabakia hartzea.
- l) Beste organo sozialen bati esleitu gabeko beste edozein eskumen.

8. artikulua.- Batzar Orokorrak ohiko bilkurak eta bilkura bereziak egingo ditu.

9. artikulua.- Batzar Orokorrak gutxienez urtean behin egin beharko du ohiko bilkura bigarren hiru hilabetez izango da, 7. artikuluko a), b) eta c) idatz-zatietan zehaztutako erabakiak hartze aldera.

10. artikulua.- Batzar Orokorra Zuzendaritza Batzordeak erabakitzen duenean bilduko da bilkura berezian, bere ekimenez edota bazkideen %10 (e)k eskatu duelako. Bilkura eskatzeko arrazoiak eta helburuak azaldu beharko dira baina, nolana ere, honako gaiak aztertzeko eta erabakitzeko, bilkura berezia egingo da:

- a) Estatutuak aldatzeko.
- b) Elkarte desegiteko.

11. artikulua.- Batzar Orokorra biltzeko deialdiak idatziz egin behar dira, eta bilkurak egingo diren tokia, eguna eta ordua adierazi beharko dira, bai eta gai-zerrenda ere, eztabaidatuko diren gaien aipamen zehatzarekin. Deialdia egiten denetik gutxienez hamabost egun pasatu beharko dira bilkura lehen deialdian egiteko. Hala badagokio, bigarren deialdiaren data eta ordua ere adieraz daitezke. Dena dela, deialdi batetik bestera gutxienez ordu erdiko tartea utzi beharko da.

Batzar orokorrak, arruntak nahiz bereziak, lehenengo deialdian balio osoz eratuta geratuko dira botoa emateko eskubidea duten elkartekideen herena bertarutzen bada; eta bigarren deialdian, botoa emateko eskubidea duten elkartekideen kopurua edozein dela ere.

12. artikulua.- Batzar Orokorraren erabakiak gehiengo soilz hartuko dira, hau da, bertaratuen nahiz ordezkatuena baiezko botoak ezezkoak baino gehiago direnean. Alabaina, bertaratuen edo ordezkatuena gehiengo kualifikatua beharko da (baiezko botoak baliozko botoen erdia baino gehiago izatea, alegia) erabaki hauek hartzeko :

- a) Elkartea desegitea.
- b) Estatutuak aldatzea.
- c) Ondasunak erabili edo besterentzea.
- d) Ordezkaritza-organoko kideei ordaintzea.

13. artikulua.- Bazkideek beste edozein bazkideren esku utzi dezakete batzar orokorretara joateko ordezkaritza. Ordezkaritza hori idatziz eskuordetu beharko da, eta Batzarreko idazkariari eman bilera baino gutxienez ordu bat lehenago. Elkartearen egoitza dagoen herritik kanpo bizi diren bazkideek ordezkaritza beste norbaiten esku uzteko agiria postaz bidali dezakete.

#### ZUZENDARITZA BATZORDEA EDO ZORTZIKO HANDIA

14. artikulua.- Zuzendaritza Batzordea da Batzar Orokorraren xedapen eta zuzentarauei jarraikiz elkartearen interesak kudeatu eta ordezkatzeko dituen organoa. Elkartekideek baino ezingo dute osatu ordezkaritza-organoa.

Zuzendaritza Batzordea osatuko dutenak honakoak izango dira: Lehendakaria, Idazkaria, Diruzaina eta gutxienez bi mahaikide eta gehienez hamar.

Gutxienez urtean lau aldiz bildu beharko dute, bai eta, elkartearen jarduerak bideratzeko beharrezkoa den guztietan.

15. artikulua.- Zuzendaritza Batzordeko kideren bat bilera horietara 5 aldiz jarraian, edo, tarteka 10 aldiz agertzen ez bada, dagokion kargua utzi egin beharko du, hutsegite horiek ez baditu arrazoitzen.

16. artikulua.- Batzar Orokorrak hautatuko ditu Zuzendaritza Batzordeko kargudunak. Kargu horiek lau urterako izendatuko dira, Batzordeak berariaz balioz gabetu ezean. Kargudun berbera behin eta berriro hautatu ahal izango da.

17. artikulua.- Zuzendaritza Batzordeko kide izateko, ezinbestean baldintza hauek bete beharko dira:

- a) Adin nagusikoa izatea, eskubide zibil guztien jabe izatea, eta indarrean dauden legeetan bildutako bateraezintasun-arrazoirik ez izatea.
- b) Estatutuaren aurreikusitako moduan izendatua izatea.
- c) Elkarteko bazkidea izatea.

18. artikulua.- Zuzendaritza Batzordeko kide izateko, lehendabizi, Batzorde Nagusiak izangaia hautatu behar du eta, gero, izendatu horrek kargua onartu behar du.

Zuzendaritza Batzordeko kideen dieta eta gastuak ordaintzea erabaki dezake Batzar Orokorrak.

19. artikulua.- Zuzendaritza Batzordeko kideek kasu hauetan utziko dituzte karguak:

- a) Agintealdia bukatzen denean.
- b) Dimititzen baldin badute.
- c) Bazkide izateari uzten diotenean, edo kargua betetzeko ezintasun-arrazoiak dituztenean.
- d) Estatutu hauetako 16. artikulua aplikatuz, Batzar Orokorrak kargua balioz gabetza erabakitzen duenean.
- e) Hiltzen baldin badira.

"a)" idatz-zatian agertzen dena baldin bada kargua uzteko arrazoia, Zuzendaritza Batzordeko kideek jardunean jarraituko dute lehenengo batzar orokorra egin arte. Batzar horretan aukeratuko dira kargudun berriak.

b), c), d) eta e) idatz-zatietan agertzen dena baldin bada arrazoia, hutsik gelditutako kargua betetzeko norbait behin-behingo izendatuko du Zuzendaritza Batzordeak, eta Batzar Orokorrak erabakiko du izendapena onetsi ala ez. Ezetsi egiten badu, behar diren kargu izendapenak egingo ditu.

Organo honen osieran egiten diren aldaketa guztien berri emango zaio Elkartearen Erregistroari.

20. artikulua.-

Honako hauek dira Zuzendaritza Batzordearen zereginak:

- a) Elkartearen eguneroko kudeaketaz arduratzea, Batzar Orokorraren jarraibideekin bat etorritik eta haren kontrolpean.
- b) Elkarrekin aurrera eramango dituen ekintzen egitaraua egitea.
- c) Gastu eta sarreraren arteko aurrekontua eta aurreko urteko kontuen egoera-orria Batzar Orokorrari aurkeztea, hark onar ditzan.
- d) Batzar Orokorraren bileretako gai-zerrendak egitea, eta ohiko nahiz ezohiko batzar orokorretarako deialdiak egitea erabakitzea.
- e) Bazkideek egiten dituzten proposamen eta iradokizunei erantzutea eta horien inguruan hartu beharreko neurriak hartzea.
- f) Estatutu hauetako aginduak interpretatzea eta Estatutuetako hutsuneak betetzea, betiere elkartearen inguruan indarrean dauden legeekin bat etorritik.
- g) Batzar Orokorrak berariazko erabakien bidez ematen dizkion eskumenak erabiltzea, betiere ez badira haren eskumen eskusibokoak.

21. artikulua.-

Zuzendaritza Batzordearen bilkurak lehendakariak erabaki edo batzordekide batek eskatzen duen bakoitzean egingo dira. Bilkurako buru lehendakaria izango da, edo, bertan ez balego, batzordekide zaharrena.

Batzordeak hartutako erabakiak baliozkoak izateko, biltzen diren batzordekideen gehiengoak aldeko botoa eman behar du.

Idazkariak bilera-aktak egingo ditu eta akta horiek gero dagokion liburuan transkribatuko dira.

#### KIDE BAKARREKO ORGANOAK

##### LEHENDAKARIA

22. artikulua.-

Lehendakariak beregain hartuko du elkartearen legezko ordezkariak, eta Zuzendaritza Batzordeak eta Batzar Orokorrak hartutako erabakiak gauzatu ditu. Era berean, aipaturiko bi organo horietako lehendakaria izango da.

23. artikulua.-

Lehendakariak honako hauek denak egiteko ahalmena izango du:

- a) Zuzendaritza Batzordearen eta Batzar Orokorraren bilera-deiak egin, bilerak bukatutzat eman, bileretan sortzen diren eztabaidak bideratu, eta botoberdinketa gertatuz gero kalitate-botoarekin erabakitzea.
- b) Elkartearen ekintzen egitasmoa Zuzendaritza Batzordeari proposatzea eta elkartearen zereginak bultzatu eta bideratzea.
- c) Baliozki erabakitako ordainketak egiteko agintzea.
- d) Sortzen diren premiazko arazoak konpontzea, eta egiten den lehenengo bilkuran Zuzendaritza Batzordeari horren berri ematea.
- e) Batzar Orokorrak berariazko erabaki bidez ematen dizkion eskumenak erabiltzea, betiere ez badira haren eskumen eskusibokoak.

##### IDAZKARIA

24. artikulua.-

Idazkariari dagokio, zehazki, elkartearen sartzeko eskabideak jaso eta izapidetzea, fitxategia eta Bazkideen Erregistro Liburua zaintzea, eta Akta Liburuaren zaintzaren eta idazketaren ardura izatea.

Era berean, elkarteen arloan indarrean dauden legezko xedapenak betetzeaz arduratuko da, erakundearen agiri ofizialak zainduz, elkarteko liburuen eta artxiboen edukia egiaztatuz eta Zuzendaritza Batzordeko izendapenen eta egoitza sozialaren aldaketan berri emateko egin beharreko jakinerazpenak eginez agintari eskudunari.

#### DIRUZAINA

25. artikulua.- Egindako diru-sarrera eta ordainketen berri emango du diruzainak, eta diru-sarrera eta gastuen urteko aurrekontua eta aurreko urteko kontuen egoera ere jakinaraziko du. Horiek guztiak Zuzendaritza Batzordeari aurkeztu behar dizkio, eta horrek Batzar Orokorrari, hark onartu ditzan.

#### HIRUGARREN KAPITULUA

##### BAZKIDEAK: ONARTUAK IZATEKO BALDINTZA ETA PROZEDURAK, ETA BAZKIDE-MOTAK

26. artikulua.- Elkartekide izan nahi eta baldintza hauek betetzen dituzten pertsona fisiko eta juridiko guztiak izan daitezke elkarteko bazkide:

- Adin nagusikoa, norberaren eskubideak erabiltzeko inolako lege-baldintzaren menpe ez egotea eta ebazpen judizial irmoaren bidez eskubideen erabilera mugatuta ez edukitzea.
- Haur eta Lehen Hezkuntzako ikastetxe publikotako zuzendaritza taldeetan lan egitea, Ikastetxeak izendatutako klaustrokidea edota beste ikastetxekin barne zein kanpoko koordinazio lana egitea - bereziki SAREAN elkartearen zereginetara dagokienez-. Horrelakoetan kide arruntaren izaera izanik.
- Hezkuntz Sistemaren laguntzarako zerbitzuetan lan egitea eta ikastetxeen arteko koordinazio lanak garatzea, horrelakoetan kide laguntzailearen izaera izanik.
- Pertsona juridikoen kasuan, organo eskudunaren berariazko erabakia behar da. Erabaki horretan adieraziko da elkarteko bazkide izateko borondatea eta zein izango diren pertsona juridikoaren ordezkariak.

Aurreko bi kasuetan, ikastetxe bakoitzeko kide bat besterik ez da Elkartearen bazkide izango. Baldintza honen xede bakarra hau da, ikastetxe batzuek besteek baino ordezkari gehiago izatea.

Izaera honetatik at, hala *Topaketak*etan nola Elkarrekin honek antola ditzakeen beste iharduera guztietan, ikastetxe edo ikastetxeen arteko koordinazio edo antolaketa lanetan ardurarik eduki lezakeen pertsona orok parte har dezake. inolako mugarik gabe parte hartzailearen kopuruari dagokienez.

27. artikulua.- Elkartean sartu nahi duenak idatziz aurkeztu beharko dio lehendakariari bere eskabidea. Lehendakariak eskaeraren berri emango dio Zuzendaritza Batzordeari, eta horrek erabakiko du eskabidea egin duena elkartean onartu ala ez. Erabakiaren aurkako gorako errekurtsoa jar dakioko Batzar Orokorrari.

#### BAZKIDEEN ESKUBIDEAK ETA BETEBEHARRAK

28. artikulua.- Elkarteko bazkide guztiek honako hauek denak egiteko eskubidea dute:

- 1) Elkarrekin buruzko Legearen edo Estatutuen kontrako erabaki eta jardunak inpugnatzea, inpugnatutako erabakiaren edukia ezagutu duten edo ezagutzeko aukera izan duten egunetik egutegiko 40 eguneko epean.
- 2) Elkarteko gobernu- eta ordezkari-organoen osakeria, elkartearen kontu-egoera eta elkartearen jarduerari buruzko informazioa jasotzea.
- 3) Elkarteko beste bazkideen nortasuna, diru-sarreraren eta gastuen egoera, eta elkartearen ekintzen garapenaren berri edozein unetan izatea, datu pertsonalak babesteko arautegian aurreikusitako moduan.
- 4) Batzar orokorretarako deiak jasotzea, batzar orokorretara joan eta hitz egin eta botoa emateko eskubidea erabiltzea, eta eskubide hori beste bazkideren baten esku utzi ahal izatea.
- 5) Elkartearen Estatutu hauen arabera, elkarteko zuzendaritza-organoen parte hartzea eta organo horietarako hautatzaile nahiz hautagai izatea.
- 6) Indarrean dauden legeetan zehaztutako bazkideen fitxategian agertzea, eta elkartearen ikurra, baldin badu behintzat, erabiltzea.

- 7) Estatutuen eta, egonez gero, barne-araudiaren ale bana edukitzea, eta zuzendaritza-organoei eskakizunak eta kexak aurkeztea.
- 8) Elkartearen talde-ekintza sozialetan parte hartzea, eta bazkideentzako tresnak erabiltzea (elkartearen egoitza, liburutegiak, eta abar).
- 9) Bazkideari diziplinazko neurriak ezarri aurretik, bazkideak idatziz adierazitakoa kontuan hartzea eta neurri horiek hartzea eragin duten arrazoiei buruzko azalpenak jasotzea. Neurriak hartzeko arrazoiak bazkideei dagozkien betebeharrak ez betetzean soilik oinarritu daitezke.
- 10) Edozein unetan baja ematea. Hala ere, hartu bai baina bete gabe dituzten konpromisoak bete beharko dituzte.

29. artikulua.- Bazkideen betebeharrak hauek dira:

- a) Elkartearen helburuekin bat etortzea eta helburu horiek betetzen laguntzea.
- b) Egongo balira, kuotak, derramak eta Estatutuen arabera bazkide bakoitzari dagozkion bestelako ekarpenak ordaintzea.
- c) Estatutuetatik eratorritako bestelako betebeharrak betetzea.
- d) Elkarteko zuzendaritza-organoei baliozki hartutako erabakiei men egin eta erabaki horiek betetzea.

#### BAZKIDE IZATEARI UZTEA

30. artikulua.- Bazkide izateari uzteko arrazoiak honakoak izango dira:

2. Hil egitea edo pertsona juridikoaren desagitea.
  1. Bazkidea bere borondatez joatea.
  2. Zuzendaritza Batzordeak elkartetik bidaltzeko zigorra ezartzea, arrazoi honengatik: Estatutuotatik eratorritako betebeharrak eta Batzar Orokorrak edo Zuzendaritza Batzordeak baliozki hartutako erabakietan ezarritako betebeharrak nahita eta larriki behin eta berriz hausteagatik.

#### ZIGOR-ARAUAK

31. artikulua.- Bazkideek behin eta berriz hausten badituzte Estatutuak edo Batzar Orokorrak nahiz Zuzendaritza Batzordeak hartutako erabakiak, Zuzendaritza Batzordeak bazkide horiek zigortu ahal izango ditu.

15 egunetik hilabetea bitarte eskubideak kentzetik elkartetik betiko kanporatzea izan daiteke zigorra, ondorengo artikuluek adierazitako moduan.

Horretarako, zigorgarriak izan daitezkeen jokabideak aztertzeko ikerketa egin dadila erabaki dezake lehendakariak. Ikerketaren instrukziogilea idazkaria izango da, eta berak proposatuko dizkio Zuzendaritza Batzordeari hartu beharreko neurriak.

Zigorra ezartzeko ahalmena Zuzendaritza Batzordeak izango du, idazkariak ez du horretan parte-hartzerik izango (instrukziogilea delako), eta zigorra ezarri aurretik interesdunari entzunaldia eskainiko zaio. Zigortzeko erabakia arrazoitu egin beharko da beti, eta erabaki horren aurkako errekurtsoa jarri ahaliko zaio Batzar Orokorrari.

32. artikulua.- Bazkideren batek elkartetik kanporatua izateko moduko ustezko egintzaren bat egiten badu, hau da, Estatutuotatik eratorritako betebeharrak eta Batzar Orokorrak edo Zuzendaritza Batzordeak baliozki hartutako erabakietan ezarritako betebeharrak nahita eta larriki behin eta berriz hausten baditu, gertaeren berri izatearren, lehendakariak idazkariari agindu diezaioke aurretiazko eginbide zehatz batzuk egin ditzala, behar den informazioa jasotzeko. Eginbide horiek ikusita, lehendakariak jarduerak artxibatzeko agintzea edo elkartetik kanporatzeko zigor-espeditentari hasiera ematea erabaki dezake.

33. artikulua.- Elkartetik kanporatzeko zigor-espeditentea hasten bada, idazkariak, gertakariak egiatzatu ondoren, idatzi bat bidaliko dio interesdunari, leporatzen zaizkion karguen berri emateko. Kargu horiei erantzuteko, interesdunak bere aldeko arrazoiak azaldu ahal izango ditu hamabost eguneko epean. Epe hori amaituta, edonola ere, Zuzendaritza Batzordearen lehenengo bilkurako gai-zerrendan sartuko da kasua, eta Batzordeak hartuko du erabakia. Erabakian ez du parte hartuko espeditenteko instrukziogilea izan den idazkariak.

Elkartetik kanporatzeko erabakia interesdunari jakinaraziko zaio eta, era berean, hurrengo ezohiko batzar orokorrean errekurtsua aurkez dezakeela azalduko zaio. Hiru hilabeteren barruan batzar horretarako deirik egiten ez bada, errekurtsua ebazteko batzarrerako deia egin beharko da. Bitartean, Zuzendaritza Batzordeak inputatuari bazkide-eskubideak etetea erabaki ahal izango du, eta Zuzendaritza Batzordeko kide bada, kargu hori utzarazi beharko dio.

Batzar Orokorrari kanporatzeko espedientea aurkeztuz gero, idazkariak espedientearen laburpena egingo du, Zuzendaritza Batzordeak interesdunak aurkeztutako idatziaren eta egintzen berri zehatza Batzar Orokorrari eman ahal izateko, azken horrek dagokion erabakia har dezan.

34. artikulua.- Kanporatzeko erabakia arrazoitu egin behar da beti, eta erabaki hori interesdunari jakinarazi behar zaio. Interesdunak, eskubideaz baliatuz, auzitegietara jo ahal izango du bere ustez erabakia legearen edo Estatutuen aurkakoa bada.

35. artikulua.- Bazkideren bati kanporaketaren berri ematerakoan —berak nahi izanda edo zigorra ezarri zaiolako— bete gabe dituen betebeharrak bete ditzala eskatuko zaio.

#### LAUGARREN KAPITULUA

##### SORTZE-ONDAREA ETA AURREKONTU-ARAUAK

36. artikulua.- SAREAN Elkarateak, bere eraketaren unean, ez dauka sorrerako ondarrerik.

37. artikulua.- Elkarateak, bere jarduerak aurrera eramateko, diru-baliabide hauek aurreikusten ditu:

- a) Sarrera-kuotak.
- b) Erabakitzen diren aldizkako kuotak.
- c) Elkaratearen ondasun eta eskubideetatik datozen emaitzak, eta lege jasotzen dituen diru-laguntzak, legatuak eta dohaintzak.
- d) Zuzendaritza Batzordeak Estatutuen helburuak lortzeko egin beharrekotzat jotzen dituen jarduera zilegietatik datozen diru-sarrerak.

Elkarte- eta ekonomia-ekitaldia urtekoa izango da, eta ekitaldia urte bakoitzeko abenduaren 31(a)n itxiko da.

Elkarateak, jarduera ekonomikoak (zerbitzuak ematea barne) gauzatuz lortzen dituen irabaziak bere helburuak betetzeko baino ez dira erabili beharko. Inola ere ezingo dira elkartekideen artean banatu, ez eta haien ezkontideen edota haiekin antzeko afektibitate-harremanean bizi diren pertsonen artean eta haien senideen artean ere. Ezingo zaizkie, halaber, irabazteko asmoa duten pertsona juridiko edo fisikoei doan laga.

#### BOSGARREN KAPITULUA

##### ESTATUTUAK ALDATZEA

38. artikulua.- Estatutuak aldatzea propio horretarako deitutako bazkideen ezohiko batzar orokorrean erabaki behar da. Zuzendaritza Batzordeak hiru bazkidek osatutako batzorde-txostengile bat izendatuko du, aldaketa-egitasmoa idazteko. Egitasmo hori Zuzendaritza Batzordeak ezarritako jarraibideen arabera egingo da, eta Batzorde berak jarriko du egitasmoa amaitzeko epea.

39. artikulua.- Aldaketa-egitasmoa epe barruan idatzi eta gero, lehendakariak Zuzendaritza Batzordearen hurrengo bilkurako gai-zerrendan sartuko du. Zuzendaritza Batzordeak egitasmoa onartuko du edo, bestela, lantaldeari itzuliko dio, berriz aztertu dezan.

Egitasmoa onartuz gero, Zuzendaritza Batzordeak hurrengo batzar orokorreko gai-zerrendan sartzea erabakiko du edo, bestela, horretarako propio batzar orokor baterako deia egitea.

40. artikulua.- Batzarrerako deiarekin batera, Estatuetako aldaketen testua bidaliko da, bazkideek egoki iruditzen zaizkien zuzenketak Idazkaritzan aurkeztu ahal izateko. Zuzenketa horiek Batzar Orokorrari helaraziko zaizkio, batzarra egin baino zortzi egun lehenago jaso badira Idazkaritzan.

Zuzenketak banaka nahiz taldeka egin daitezke, idatziz, eta aukerako beste testu bat izan beharko dute. Zuzenketak bozkatu ostean, Batzar Orokorrak Estatutuak aldatzeko erabakia hartuko du, eta Elkartearen Erregistro Orokorrean inskribatzen denetik aurrera baino ez du eragina izango hirugarrenengan.

#### SEIGARREN KAPITULUA

#### ELKARTEA DESEGITEA ETA ELKARTE-ONDAREAREN ZERTARAKOA

41. artikulua.- Elkartearen arrazoi hauengatik desegingo da:

1. Bazkideek hala nahi dutelako. Nahi hori horretarako bildutako ezohiko batzar orokorrean azaldu beharko da.
2. Estatuetan finkatutako epea edo baldintza bete delako.
3. Beste elkarteren batek xurgatu duelako edo beste elkarte batzuekin bat egin duelako.
4. Legez ezarritako gutxieneko bazkide-kopururik ez duelako.
5. Epai irmo batek elkartearen desegitea agintzen duelako.
6. Elkartearen helburuak betetzea ezinezkoa delako.

42. artikulua.- Elkartearen deseginez gero, erabakia hartu duen ezohiko Batzar Orokorrak Kitapen Batzordea izendatuko du. Batzorde hori Zuzendaritza Batzordeko 3 kidek osatuko dute eta dagoen diruaz arduratuko da.

Bazkideekiko eta besteekiko elkarte-betebeharrak bete ondoren, geratzen den elkarte-ondarea, geratzen bada behintzat, irabazi-asmorik gabeko elkarte bati edo irabazi-asmorik gabeko ekimenen bati eman beharko zaio.

#### AZKEN XEDAPENA

Estatutu hauek garatzeko asmoz, Batzar Orokorrak barne-araudia onartu ahal izango du, baina horrek inolaz ere ez ditu Estatuetako aginduak aldatuko.